

# **IMAQARNILIAQ AIA - Aningaasaqarnermut Inuussutissarsionermullu Ataatsimiititaq 10-01-2019**

**Ulloq ataatsimiiffissaq**    Torsdag 10. januar 2019 kl. 18:00

**Ataatsimiiffissaq**        Kommunalbestyrelsip ataatsimiittarfia

# Indholdsfortegnelse

Saqqá.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kommuneqarfik Sermersuumi Aqutseriaatsimut tunngavissaq nutaaq.....	7
Aalajangiiffigisassat.....	10
2019-imut aningaasaliissutinik agguataarineq Tasiilaq Najukkami Ataatsimiititaliaq.....	11
2019-imut aningaasaliissutinik agguataarineq Paamiuni Najukkami Ataatsimiititaliaq.....	15
2019-imut aningaasaliissutinik agguataarineq Ittoqqortoormiini Najukkami Ataatsimiititaliaq.....	19
Café / Hotel imigassanik kimittuunik sassaaliinissamut akuersissummik type B-mik qinnuteqaat.....	23
Brugseni Natalie imigassanik aalakoornartortalinnik tuniniaanissamut akuersissummik type A-mik	26
Restaurant Tullemut, Restaurant Kristinemut aamma Minimutten imigassanik kimittuunik sassaaliinissamut	29
Suliat Kommunalbestyrelsimut ingerlateqqitassat.....	32
Tusarniaanermi akissutit.....	33
Tusarniaanermi akissutit.....	36
Soqanngilaq.....	39
Malittarisassat.....	40
Tapiiffigitinnissamut malittarisassat nutarternissaannut siunnersuut.....	43
Kommuneqarfik Sermersuumi Nunarsuarmi anguniakkat tunaartaralugit iliuusissatut pilersaarut.....	50
Taasariaqartut allat.....	55
Suliat matoqqasut.....	56
Lukket.....	57
Lukket.....	58
Imaqarniliap akuerineqarnera.....	59

## **Punkt 0: Saqqa**

### **Ilaasortat**

Asii Chemnitz Narup (IA), formand

Harald Bianco (IA)

Charlotte Pike (IA)

Henrik Rachlev (IA)

Randi Vestergaard Evaldsen (D)

Peter Davidsen (S)

Jens Kristian Berthelsen (S)

### **Beslutning**

Oqarasuaatikku ilaasut: Harald Bianco (IA) aamma Henrik Rachlev aamma Charlotte Pike (IA).

# **Punkt 1: Oqaluuserisassat akuerineqarneri**

## **Beslutning**

Oqaluuserisassat allannguutaalu akuerineqarput.

## Punkt 2: Nalunaarutit

2a. Siulittaasumit nalunaarutit

### Beslutning

1. Ulloq 6. januaari, timersortartut ulluat Kommuneqarfik Sermersuumi Tasiilami, Paamiuni, Ittoqqortoormiini aammalu Nuummi nalliuttorsiorpalaartumik nalliussineqarpoq. Ilaatigut Holditsialaat, Timersullamak, Sungiusaasuullammak il. il. toqqarneqarput.
2. Ulloq 9. januaari, borgmesteri suleqatiminik (qinikkanik) suleqatigisanillu ukiortaami ilassinippoq. Kommunalbestyrelsip aggersarneqarnera maili aqqutigalugu pivoq.
3. Ulloq 11. januaari borgmesterip Peqqissutsimut Naalakkersuisoq Martha Abelsen ataatsimeeqatigivaa.
4. Ulloq 25. januaari Sermersooq Business Council-imi siulersuisut ataatsimiissapput, tassungalu borgmesteri aamma aggersarneqarpoq.
5. Ulloq 30. januaari 2019, borgmesteri politikikkut ataqatigiissaarisartoqatigiit (PKG) Qaqortumi ataatsimiinnissaannut aggersarneqarpoq. PKG-p ataatsimiinnginnerani ulloq 29. januaari 2019 Naalakkersuisut immikkut sammisaqartitsinermik aqqissuussaqarput. Taamaattumik borgmesteri Qaqortumiisaaq piffissami 29-31. januaari 2019.
6. Ulloq 30. januaari 2019 Hans Hedtoftip umiuneraniik ukiut 60-inngortorsiornera malunnartinneqassaaq. Kommuneqarfik Sermersooq ajunaartunut kinguaajusut malunnartitsinissamik annertuumik suliniarsimanagerat tapersorsorlugu ulloq taanna eqqaaniaassaaq. Umiartortut Angerlarsimaffianni kransiliisoqassaaq, Hans Egedip Oqaluffiani naalagiarloqassaaq kiisalu Katersortarfimmi kaffillertoqassalluni. Ullormi aamma tassani Tasiilami innuttaasunit iliuuseqartoqarneratigut eqqaaniaalluni naalagiarloqatigiinnermik kaffillernermillu malunnartinneqassaaq.
7. Piffissami 2.-6. februaari borgmesteri Tasiilamiisaaq. Ulloq 3. februaari B-2-p ammaanersiorlugu ilasseqatigiinneqassaaq – inuusuttut kulturikkut illorigallagaat, aamma ulloq 5. februaari borgmesteri innuttaasunik ataatsimiititsinissamik pilersaaruteqarpoq.
8. Sap. ak 8-mi Aningaasaqarnermut Inuusutissaqarnermullu Ataatsimiititaq Svalbardimut Qallunaat Nunaannullu paasisassarsioriarluni. Angalanermi takornariaqarneq aammalu aningaasaqarnermut tunngasoq cirkulær økonomi-mik qallunaatut taasagaq ilaatigut paasisassarsiorfigineqassapput.

## **Punkt 3: Ilisimatitsissutit**

## **Punkt 03A: Kommuneqarfik Sermersuumi Aqutseriaatsimut tunngavissaq nutaaq**

### **Beslutning**

Ilisimatitsissut tusaatissatut tiguneqarpoq.

### **Bilag**

Bilag 1 kompetencerne.docx

bilag 2 KAL.docx

# **Kommuneqarfik Sermersuumi Aqutseriaatsimut tunngavissaq nutaaq**

Ilisimatitsissut

J. nr: 02.01.00

Suliffeqarfimmut Kiffartuussivik – Kommunaldirektøri Lars Møller-Sørensen / LMS

## **Suliap eqikkarnera**

Kommunimi allaffissornikkut ingerlatsinerup kommunaldirektørimut ammut sulisut allat ilanngullugit nutaamik aqutseriaatsimut tunngavissaq ineriartortinneqarpoq. Aqutseriaatsimut tunngavissaq Tasiilami, Paamiuni Nuummilu aqutsisut sulisullu 150-t peqatigalugit ineriartortinneqarpoq. Pisortaqatigiinnit ulloq 11/12 2018 akuersissutigineqarpoq Suleqatigiinnissamullu Qitiusumik Ataatsimiititaliap tulliani ataatsimiinnissaannut saqqummiunneqassalluni. Matumuuna Aningaasaqarnermut Inuussutissarsiornermullu Ataatsimiititamut saqqummiunneqarpoq.

## **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq.

## **Suliassamik saqqummiineq**

Marsip qaammataagaa 2018 Pisortaqatigiit aalajangerpaat kommunimi allaffissornikkut nutaamik aqutseriaatsimut tunngavissaq suliarineqassasoq: Kommunaldirektørimut ammut sulisut allat ilanngullugit. Aqutseriaatsimut tunngavissaq atorineqassaaq aaqqissuussaannermut atatillugu, sulineri inissisimanerup erseqqissarneqarnissaa aammalu aqutsineri atatillugu sulineri assigiisaartumik oqaaseqatigiinnissaa pilersinneqassallutik. Siunertaavoq suliffeqarfittut innuttaasunut inuiaqatiginnullu iluaqutaanerusumik suliassat pingaarnert suliarineqartalernissaat.

Aallaqqaataaniilli pingaartinneqarpoq aqutseriaatsimut tunngavissap nutaap piffinni pissutsinut pisariaqartitanullu immikkuullarissumik ineriartortinneqarnissaa. Taamaattumik periuseq sukumiisoq atorineqarsimavoq peqataatitsilluarnikkut periuseqarluni. Taamaattumik 2018-imi maajip qaammataata novembarillu qaammataata akornini Tasiilami, Paamiuni Nuummilu aqqanilinnik Workshoppertitsisoqarpoq. Sulisut aqutsisullu katillugit 150-t aqutseriaatsimut tunngavissap suliarinerani peqataapput.

Maanna Kommuneqarfik Sermersuumi ataqatigiissumik pitsaassuseqartumillu aqutsineri aqutseriaatsimut tunngavissaq sakkussaavoq pingaaruteqarlunnartoq:

- Suliassat pingaarnermut atatillugu atuuffit akisussaaffiillu oqallisiginissaanut aallaavissaq
- Aqutsisunut suliassat qanoq ittuunissaanut suliarinninnermi isumassarsiorfik
- Aqutsisuusinnaasut nutaat uagutsinni aqutsineq pitsaasoq pillugu paasisutissanik pissarsiffigisinnaasaat
- Aqutsisut piginnaasanillu ineriartortitsinissamut toqqammavissiissaaq

Aqutseriaatsimut tunngavissap imaraa immikkoortortami aqutsisut, fagcheffit pisortallu Kommuneqarfik Sermersuumi suliassanut pingaarnernut tunngatillugu iluatsinnissaat allaaserineqarnerat. Immikkoortortami "Sulisutsialak" piffinni sulisut pitsaasut qanoq ittuussanersut pillugu immikkoortortani ataasiakkaani oqaloqatigiinnissamut isumassarsiorfiusinnaavoq.

### *Aaqqiissutissatut siunnersuut – suliatigut naliliineq*

Maanna Kommuneqafik Sermersuumi ataqatigiinnerusumik pitsaassuseqarnerusumillu aqutsinermi aqutseriaatsimut tunngavissaq periarfissaqarnerusoq nalilernerqarpoq. Tamannali aqutseriaatsimut tunngavissap sukumiisumik aaqqiissuussaalluakkamillu atuutsilernissaanut piumasaqaatitaqarpoq.

### *Aningaasatigut sulisoqarnikkullu naliliinerit:*

Suliffeqarfimmut Kiffartuussiviup ingerlatsinermut missingersuutaata iluani aqutseriaatsimut tunngavissap atuutsilernissaa piviusunngortinneqarsinnaavoq.

### *Inatsisitigut tunngavigisat allagaatillu tunngaviliisuusut*

Soqanngilaq

### *Ingerlariaqqinnissaq*

Aqutseriaatsimut tunngavissap atuutilersinneqarnissaata tungaanut piareersaatit assigiingitsut ingerlanneqassapput, februaarip ulluisa aallaqqaataata tungaanut: Nutserneqarnera, isikkusnaanik ilusilersuineq allallu. Februaarip qaammataani sulisunik aallartisarluni isumasioqatigiittoqassaaq, ataani allaqqasooq takuuk:

<b>Ulloq:</b>	<b>Pisimasooq</b>
4/2	Pisortaqatigiinnut aallartisarluni isumasioqatigiinneq
5/2	Fagcheffinut sulisullu pisortaanit aallartisarluni isumasioqatigiinneq
7/2	Suliffeqarfimmut Kiffartuussivimmut aallartisarluni isumasioqatigiinneq
7/2	Meeqqanut Atuarfeqarnermullu (1) aallartisarluni isumasioqatigiinneq
8/2	Avatagiisinut Sanarfinermullu aallartisarluni isumasioqatigiinneq
8/2	Isumaginninnermut Suliffeqarnermullu aallartisarluni isumasioqatigiinneq
11/2	Meeqqanut Ilaqutariinnullu aallarnisarluni isumasioqatigiinneq
12/2	Meeqqanut Atuarfeqarnermullu (2) aallarnisarluni isumasioqatigiinneq
13/2	HR-imut Workshoppertitsineq

### **Aningaasaqarnermut Allattoqarfimmit oqaaseqaatit**

Soqanngilaq

### **Innuttaasunik peqataatitsineq/attaveqatigiinneq**

Soqanngilaq

### **Ingerlatsivinniit allaniit oqaaseqaatigineqartut**

Soqanngilaq

### **Ilanngussat**

1. Aqutseriaatsimut tunngavissaq
2. Aqutseriaatsimut tunngavissaq pillugu ilanngussat

## **Punkt 4: Aalajangiiffigisassat**

## **Punkt 04A: 2019-imut aningaasaliissutitik agguataarineq Tasiilaq Najukkami Ataatsimiititaliaq**

### **Beslutning**

Inassutigineqartoq akuersissutigineqarpoq.

### **Bilag**

Bilag 1. Vedtægt Lokaludvalg 2018 - KAL.pdf

Bilag 2 Ansøgningskemapuljemidler\_2017 KAL.docx

## **2019-imut aningaasaliissutinik agguataarineq Tasiilaq Najukkami Ataatsimiititaliaq**

Aalajangiiffigisassaq

J nr: 00.00.00-A08-14-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Tasiilami Najukkami Ataatsimiititaliamut 2019-imi aningaasaliissutit pingaarnertut agguanneqarnissaannut siunnersuut, Aningaasaqarnermut Inuusutissarsiornermullu Ataatsimiititami akuersissutigisassanngorlugu matumuuna nassiunneqarpoq.

Tasiilami Najukkami Ataatsimiititaliamut 2019-imi aningaasaliissutit 350.000 kr.-nik annertussuseqarput, immikkoortunullu arfinilinnut pingaarnertut agguataarneqarlutik. Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

### **Inassuteqaat**

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- Tasiilami Najukkami Ataatsimiititaliamut 2019-imi aningaasaliissutit pingaarnertut agguanneqarnissaannut siunnersuut akuersissutigineqassasoq

### **Suliassamik saqqummiussineq.**

Tasiilami Najukkami Ataatsimiititaliap aalajangerpaa, 2019-imi aningaasaliissutit 350.000 kr.-nik annertussuseqartut, immikkoortunut arfinilinnut pingaarnertut agguataarneqassasut, ukuusut.

- Meeqqanut Inuusuttunullu
- Illoqarfimmi kulturi kusassaanerillu
- Inuttut atugarisat peqqinnerlu
- Utoqqaat inuillu innarluutillit.
- Timersorneq silamilu inuuneq
- Illoqarfiup immikkoortuinut pilersaaruserneq, pinngortitaq avatangiisillu

Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

Najukkami Ataatsimiititaliap 2019-imut aningaasaliissutinik atuutilersitsinnginnermini suliniutissat/suliassat ileqqoreqqusani §2 imm 5-imi aningaasaliissutissat atornissaannut nalilersuutinut Najukkami Ataatsimiititaliamit aalajangersarneqarsimasunut naapertuuttuunersut misissoqqissaarusuppai (ilanngussaq 2). Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

*Aaqqiissutissat siunnersuut – suliatigut naliliineq*

<b><u>Siunertaq:</u></b>	<b><u>Tunngavilersuut:</u></b>	<b><u>Aningaasaliissutissat:</u></b>
<u>Kulturi</u>	<u>Aningaasaliissutissat Inuiattut ullorsiornermi ullormi sammisassanut arlalinnut atorneqartussat siunniunneqarput, kiisalu Tasiilap ukiuni 125-nik tunngavilerneqarnerminiik pisortatigoortumik nalliuttorsiutigineqarnissaanut piareersaatissanut ullorsiornermilu pisussarpassuarnik aningaasaliissutit atorneqassallutik. Kulturikkut ingerlatsisut soorlu tivanermik ingerlatsisut tapersersorneqarnissaat aamma tassanngaaniit siunniunneqarpoq.</u>	<u>100.000,00</u>
<u>Innuttaasunik Sammisqaartitsineq</u>	<u>Ukiunut pingasoriarluni innuttaasunik illoqarfimmi saliisitsineq ingerlanneqartarpoq saleereermiluu aasami siaasaaneq ingerlanneqartarluni, kiisalu peqataasunik makitsinikkut pinnatassaqaartarluni. Qaammat Novemberi innuttaasut peqatigalugit nerersuaqatigiinneq peqatigiiffiit suleqatigalugit ingerlanneqartarluni unnuk imigassartaqanngitsumik nuannaarsaqatigiiffineqartarpoq.</u>	<u>60.000,00</u>
<u>Pinaveersaartitsineq</u>	<u>Iloqarfimmi paasititsiniaanermi innuttaasunut kiisalu peqatigiiffiit pinaveersaartitsinermi suliaqartillugit tapersiisarnissamut atorneqassapput kaffe, the kaaginillu sassaalliisarnissamut</u>	<u>20.000,00</u>
<u>Iloqarfimmi kusassaaneq</u>	<u>Iloqarfik kusassarneqarnissaa annertuumik suliniuteqarfigineqartussaavoq illoqarfik ukiuni 125-nik pisortatigoortumik tunngavilerneraniit nalliuttorsiutigineqartussaammat, tassungalu tunngatillugu eqqaassutissaq Georg Quppersimaat qiperuqaq uleerneaqassaaq.</u>	<u>100.000,00</u>
<u>Nammineq kajumissutsiminnik suliniuteqartunut tapiissutit</u>	<u>Iloqarfiup iluani nammineq kajumissutsimik suliniuteqartut innuttaasunik katerisimaartitsisartut kiisalu qiimmassaqatigiinnermik suliniuteqartut kaffi, the kaaginillu tapiiffineqartarput. Suliniutit imigassartaqanngitsumik ingerlanneqartarput</u>	<u>10.000,00</u>
<u>Nunap timaani illuaraq</u>	<u>Iloqarfiup timaani illuaqqamik pilersitsinissaq ukiuni marlunni eqqarsaatersuutigineqareerluni siunnersuutigineqarpoq. Tassani eqqarsaatigineqarput innuttaasut angallateqanngitsut illoqarfiup timaani pisuttuartartut nuannaarsaqatigiiffissaannik periarfissinneqarnissaat.</u>	<u>60.000,00</u>
		<b><u>350.000,00</u></b>

*Aningaasaqarnikkut sulisoqarnikkullu naliliinerit*

Kommunalbestyrelse Tasiilami Najukkami Ataatsimiititaliamut 2019-imut katillugit 350.000 kr.-t aningaasaliissutigai.

Aningaasartai aningaasaliissutinik agguariaaseq Aningaasaqarnermut Inuusutissarsiornermullu Ataatsimiititamit 2015-imi akuersissutigineqarsimasoq naapertorlugu annertussusilerneqarput.

*Inatsisitigut tunngavissaq allakkallu tunngaviusumik uppermarsaatitalit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32.
- Kommuneqarfik Sermersuumi najukkani ataatsimiititaliat pillugit ileqqoreqqusat
- Kommuneqarfik Sermersuumi najukkani ataatsimiititaliat suleriaasiat

**Aningaasaqarnermut Allatseqarfirmmit oqaaseqaatit**

Aningaasaqarnermut Ingerlatsivik suliamut qulaani taaneqartumut annertunerusunik oqaaseqaatissaqanngilaq

**Innuttaasunik peqataatitsineq/attaveqaqatigiinneq**

Suliniutini suliassanilu Najukkami Ataatsimiititaliamit aallartinneqartuni tamani innuttaasunik akuutitsisinnaanissaq qitiutinneqartarpoq, assersuutigalugu innuttaasunik peqataaffigineqartumik suleqatigiissitaliornermi, innuttaasunik ataatsimiititsinermi aamma/imaluunniit taasinerni.

**Ingerlatsivinnit allanit oqaaseqaatit**

Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput. Tassunga ilanngullugu kommune suleqatigiissitani sinniisoqassaaq, tassa Najukkami Ataatsimiititaliap suliniutai kommunilluunniit tunngaaniit suliniuteqartoqartillugu ataqatigiissaarineq pisariaqarmat.

**Ilanngussat**

1. Kommuneqarfik Sermersuumi najukkani ataatsimiititaliat pillugit ileqqoreqqusat
2. Tunniussinissamut piumasaqaatit

## **Punkt 04B: 2019-imut aningaasaliissutunik agguataarineq Paamiuni Najukkami Ataatsimiititaliaq**

### **Beslutning**

Inassutigineqartoq akuersissutigineqarpoq.

### **Bilag**

Bilag 1. Vedtægt Lokaludvalg 2018 - KAL.pdf

Bilag 2 Ansøgningskemapuljemidler\_2017 KAL.docx

## **2019-imut aningaasaliissutinik agguataarineq Paamiuni Najukkami Ataatsimiititaliaq**

Aalajangiiffigisassaq

J nr: 00.00.00-A08-14-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Paamiuni Najukkami Ataatsimiititaliamut 2019-imi aningaasaliissutit pingaarnertut agguanneqarnissaannut siunnersuut, Aningaasaqarnermut Inuussutissarsiornermullu Ataatsimiititami akuersissutigisassanngorlugu matumuuna nassiunneqarpoq.

Paamiuni Najukkami Ataatsimiititaliamut 2019-imi aningaasaliissutit 350.000 kr.-nik annertussuseqarput, immikkoortunullu arfinilinnut pingaarnertut agguataarneqarlutik. Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Paamiuni Najukkami Ataatsimiititaliamut 2019-imi aningaasaliissutit pingaarnertut agguanneqarnissaannut siunnersuut akuersissutigineqassasoq

### **Suliassamik saqqummiussineq.**

Paamiuni Najukkami Ataatsimiititaliap aalajangerpaa, 2019-imi aningaasaliissutit 350.000 kr.-nik annertussuseqartut, immikkoortunut arfinilinnut pingaarnertut agguataarneqassasut, ukuusut.

- Meeqqanut Inuusuttunullu
- Illoqarfimmi kulturi kusassaanerillu
- Inuttut atugarisat peqqinnerlu
- Utoqqaat inuillu innarluutillit.
- Timersorneq silamilu inuuneq
- Illoqarfiup immikkoortuinut pilersaaruserneq, pinngortitaq avatangiisillu

Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

Najukkami Ataatsimiititaliap 2019-imut aningaasaliissutinik atuutilersitsinnginnermini suliniutissat/suliassat ileqqoreqqusani §2 imm 5-imi aningaasaliissutissat atornissaannut nalilersuutinut Najukkami Ataatsimiititaliamit aalajangersarneqarsimasunut naapertuuttuunersut misissoqqissaarusuppai (ilanngussaq 2). Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

*Aaqqiissutissatut siunnersuut – suliatigut naliliineq*

<b>Suliniutit:</b>	<b>Tunngavilersuutit:</b>	<b>Aningaasaliissutit:</b>
Ilaqutariit Kjeldsen-ikkut Nunarsuarput kaajallallugu angalareerlutik Paamiunut tikilluaqqunissaat.	Dorthe Kjeldsen Paamiormiunit kingoqqisuusoq, angallamminnik nunarsuarput kaajallareerlugu Kalaallit nunaannut uterminni Paamiut siullertut tikiffigerusussimavaa. Tamannalu tunngavigalugu NA ilaqutariit tikilluaqqunissaannik suliniuteqarput, tikinnerani qummoroortarnersaarsuartsillutik, taamatullu nunaqqatigiit Taqqissuummi nerersuaqatigiinnermik aaqqissuussillutik.	Kr. 75.000.-
Meeqqat ulluat. 1 juni 2019	Meeqqat ulluat immikkuullarissaq aaqqissuukkusuppaat, soorlu Hennarik tikisillugu meeqqanullu aliikkusersuitillugu.	Kr. 20.000.-
Inuattut ullorsiorneq 21. Juni. 2019.	Inuiattut ullorsiornermi pisarnertut innuttaasunik tamulugassaqaqtitsineq, aaqqissuussanullu assigiinngitsunut aningaasaliineq.	Kr. 30.000.-
1. Adventt	Illoqarfiup orpiata ikinnerani immikkut meeqqanut alutornartumik tunissuteqarneq/ aaqqissuussineq.	Kr. 30.000.-
Aneerasaartariit (Pavillion) pingasunik pisineq	Illoqarfippat alutornarsarlugu aneerasaatarfiit (Pavillion) pingasunik pisineq, illoqarfitta iluani piffinni assigiinngitsuni napparneqaqtussat.	Kr. 150.000.-
Silami issiaviit toqqavissannik cement-sinik suliaqaqtitsineq	Silami issiaviit pisiarinqareersimasut toqqavissaannik suliaqaqtitsineq. Tassani cement-nik toqqavissannik suliaqaqtitsineq siunertarinqarpoq.	Kr. 45.000.-
<b>Katillugit</b>		<b>Kr. 350.000.-</b>

*Aningaasaqarnikkut sulisoqarnikkullu naliliinerit*

Kommunalbestyrelse Paamiuni Najukkami Ataatsimiititaliamut 2019-imut katillugit 350.000 kr.-t aningaasaliissutigai.

Aningaasartai aningaasaliissutinik agguariaaseq Aningaasaqarnermut Inuusutissarsiornermullu Ataatsimiititamit 2015-imi akuersissutigineqarsimasoq naapertorlugu annertussusilerneqarput.

*Inatsisitigut tunngavissaq allakkallu tunngaviusumik uppersaatitalit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32.

- Kommuneqarfik Sermersuumi najukkani ataatsimiititaliat pillugit ileqqoreqqusat
- Kommuneqarfik Sermersuumi najukkani ataatsimiititaliat suleriaasiat

### **Aningaasaqarnermut Allatseqarfirmmit oqaaseqaatit**

Aningaasaqarnermut Ingerlatsivik suliamut qulaani taaneqartumut annertunerusunik oqaaseqaatissaqanngilaq

### **Innuttaasunik peqataatitsineq/attaveqaqatigiinneq**

Suliniutini suliassanilu Najukkami Ataatsimiititaliamit aallartinneqartuni tamani innuttaasunik akuutitsisinaanissaq qitiutinneqartarpoq, assersuutigalugu innuttaasunik peqataaffigineqartumik suleqatigiissitaliornermi, innuttaasunik ataatsimiititsinermi aamma/imaluunniit taasinerni.

### **Ingerlatsivinnit allanit oqaaseqaatit**

Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput. Tassunga ilanngullugu kommune suleqatigiissitani sinniisoqassaaq, tassa Najukkami Ataatsimiititaliap suliniutai kommunilluunniit tunngaaniit suliniuteqartoqartillugu ataqatigiissaarineq pisariaqarmat.

### **Ilanngussat**

1. Kommuneqarfik Sermersuumi najukkani ataatsimiititaliat pillugit ileqqoreqqusat
2. Tunniussinissamut piunasaqaatit

## **Punkt 04C: 2019-imut aningaasaliissutiniq agguataarineq Ittoqqortoormiini Najukkami Ataatsimiititaliaq**

### **Beslutning**

Inassutigineqartoq akuersissutigineqarpoq.

### **Bilag**

Bilag 1. Vedtægt Lokaludvalg 2018 - KAL.pdf

Bilag 2 Ansøgningskemapuljemidler\_2017 KAL.docx

## **2019-imut aningaasaliissutinik agguataarineq Ittoqqortoormiini Najukkami Ataatsimiititaliaq**

Aalajangiiffigisassaq

J nr: 00.00.00-A08-14-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Ittoqqortoormiini Najukkami Ataatsimiititaliamut 2019-imi aningaasaliissutit pingaarnertut agguanneqarnissaannut siunnersuut, Aningaasaqarnermut Inuussutissarsiornermullu Ataatsimiititami akuersissutigisassanngorlugu matumuuna nassiunneqarpoq.

Ittoqqortoormiini Najukkami Ataatsimiititaliamut 2019-imi aningaasaliissutit 130.000 kr.-nik annertussuseqarput, immikkoortunullu pingasunut pingaarnertut agguataarneqarlutik.

Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Ittoqqortoormiini Najukkami Ataatsimiititaliamut 2019-imi aningaasaliissutit pingaarnertut agguanneqarnissaannut siunnersuut akuersissutigineqassasoq

### **Suliassamik saqqummiussineq.**

Ittoqqortoormiini Najukkami Ataatsimiititaliap aalajangerpaa, 2019-imi aningaasaliissutit 130.000 kr.-nik annertussuseqartut, immikkoortunut pingasunut pingaarnertut agguataarneqassasut, ukuusut.

- Meeqqanut Inuusuttunullu
- Illoqarfimmi kulturi kusassaanerillu
- Inuttut atugarisat peqqinnerlu
- Utoqqaat inuillu innarluutillit.
- Timersorneq silamilu inuuneq
- Illoqarfiup immikkoortuinut pilersaaruserneq, pinngortitaq avatangiisillu

Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

Najukkami Ataatsimiititaliap 2019-imut aningaasaliissutinik atuutilersitsinnginnermini suliniutissat/suliassat ileqqoreqqusani §2 imm 5-imi aningaasaliissutissat atornissaannut nalilersuutinut Najukkami Ataatsimiititaliamit aalajangersarneqarsimasunut naapertuuttuunersut misissoqqissaarusuppai (ilanngussaq 2). Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

*Aaqqiissutissatut siunnersuut – suliatigut naliliineq*

<b>Suliniutit:</b>	<b>Tunngavilersuutit:</b>	<b>Aningaasaliissutit:</b>
Peqatigiiffinnut tapiissutissat	Peqatigiiffinnut tapiissuteqarnissaq kissaatigineqarpoq. Tassani atortussarsiniutissat imal. Aaqqissuussinissamut aningaasaliissutissanik tapiissutissanik siunertaqarlutik.  Peqatigiiffiit uku siunnerfigineqarput : Ukalitsiaq, Qimusseq 2017, taavalu peqatigiiffik nutaaq pilersinneqalersoq.	35.000,00
Juullerpalaartitsineq	Juullisunnitsunik sassaallineq taamatullu qiortaanertalimmik aliikkusersueqatigiinneq	25.000,00
Avataaniit aliikkusersuisussanik tikisitsineq	Innuttaasut pikialaartitsinikkut avataaniit tikisitsinissaq kissaatigineqarpoq, soorlu erinarsortartoqatigiinnik tikisitsineq, imaqqaluunniit Hennarik tikisillugu.	37.000,00
<b>Katillugu</b>		<b>130.000,00</b>

*Aningaasaqarnikkut sulisoqarnikkullu naliliinerit*

Kommunalbestyrelse Ittoqqortoormiini Najukkami Ataatsimiititaliamut 2019-imut katillugit 130.000 kr.-t aningaasaliissutigai.

Aningaasartai aningaasaliissutinik agguariaaseq Aningaasaqarnermut Inuussutissarsionermullu Ataatsimiititamit 2015-imi akuersissutigineqarsimasoq naapertorlugu annertussusilerneqarput.

*Inatsisitigut tunngavissaq allakkallu tunngaviusumik uppemarsaatitalit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32.
- Kommuneqarfik Sermersuumi najukkani ataatsimiititaliat pillugit ileqqoreqqusat
- Kommuneqarfik Sermersuumi najukkani ataatsimiititaliat suleriaasiat

**Aningaasaqarnermut Allatseqarfimmit oqaaseqaatit**

Aningaasaqarnermut Ingerlatsivik suliament qulaani taaneqartumut annertunerusunik oqaaseqaatissaqannngilaq

**Innuttaasunik peqataatitsineq/attaveqatigiinneq**

Suliniutini suliassanilu Najukkami Ataatsimiititaliamit aallartinneqartuni tamani innuttaasunik akuutitsisinnanissaq qitiutinneqartarpoq, assersuutigalugu innuttaasunik peqataaffigineqartumik suleqatigiissitalionermi, innuttaasunik ataatsimiititsinermi aamma/imaluunniit taasinerni.

**Ingerlatsivinnit allanit oqaaseqaatit**

Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput. Tassunga ilanngullugu kommune suleqatigiissitani sinnisoqassaaq, tassa Najukkami Ataatsimiititaliap suliniutai kommunilluunniit tunngaaniit suliniuteqartoqartillugu ataqatigiissaarineq pisariaqarmat.

**Ilanngussat**

1. Kommuneqarfik Sermersuumi najukkani ataatsimiititaliat pillugit ileqqoreqqusat
2. Tunniussinissamut piunasaqaatit

## **Punkt 04D: Café / Hotel imigassanik kimittuunik sassaaliinissamut akuersissummik type B-mik qinnuteqaat**

### **Beslutning**

Inassutigineqartoq akuersissutigineqarpoq.

## **Café / Hotel imigassanik kimittuunik sassaaliinissamut akuersissummik type B-mik qinnuteqaat**

Aalajangiiffigisassaq

J.nr. 70.06.00

Suliffeqarfimmi Kiffartuussivik – Pisortaaneq Lars Møller-Sørensen / LMS

### **Suliassamik eqikkaaneq**

Suliffeqarfimmi Kiffartuussivik Imigassanik kimittuunik kimikitsunillu sassaliinissamut akuersissummik Type B-mik Café / Hotel, Illoqarfiup Qeqqa B 580 / 581, 3940 Paamiut sinnerlugu Ortooraq Møller, qinnuteqaataa Qinikkanut Allatseqarfiup tiguaa.

### **Inassuteqaat**

Qinikkanut Allatseqarfiup Aningaasaqarnermut Inuusutissarsionermullu Ataatsimiititumut inassuteqaatigaa:

- Café / Hotel v/Ortooraq Møller imigassanik aalakoornartortalinnik sassaaliinissamut akuersissut type B pillugu qinnuteqaat akuersissutigineqassasoq

### **Suliassamik saqqummiussineq**

Suliffeqarfimmi Kiffartuussivik Imigassanik kimittuunik kimikitsunillu sassaaliinissamut akuersissummik Type B-mik Café / Hotel sinnerlugu Ortooraq Møller qinnuteqaataa Qinikkanik Allatseqarfiup tiguaa.

Meeqqanut Inuusuttunullu Immikkoortortaq aammalu Peqqinneq Pitsaaliuinerlu pillugit Immikkoortortaq oqaaseqaatissaqanngillat.

Kalaallit Nunaani Politiit, Qatserisartoqarnermut oqartusaasut Meeqqanut inuusuttunullu Ingerlatsivik kiisalu Peqqisusseq pitsaaliuinerlilu Ingerlatsivik oqaaseqaatissaqanngillat.

Inatsilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu Kommunalbestyrelsimiit nalunaarutigineqassanersoq allaaserineqarpoq:

- Suliffeqarfinni kantiinat imigassaqaarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit assigisaallu imigassanik kimittuunik sassaalluteqartussaasariaqanngillat. Taamaattorli sassaalliisartut imigassanik kimikitsunik sassaallertarnissaannut Kommunalbestyrelsimiit aalajangerneqarsinnaavoq.

Inatsilerituutaaq nassuiaatigaa, ingerlatsisussaataa nermit assigiimmik tunngaveqarnissaq Kommunalbestyrelsimiit qanoq unioqqutitsisoqarani saneqqunneqarsinnaanersoq:

- Najugaqarfiit eqqaanni sassaalliisartarfiit nutaat Kommunalbestyrelsimiit illoqarfiup pilersaarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimiit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani imigassartunnginnermik siuarsaanissamut tulluuartusut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimiit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakuummatami inuusuttunit ornigarneqarluartut.

Aaqqiissutissatut siunnersuut – suliatigut naliliineq  
Suliffeqarfimmi Kiffartuussivik Imigassanik sassaaliinisamut akuersissuteqarnissamut  
siullermeerluni qinnuteqarnermi paasissutissat pisariaqartut Qiniikkanut Allaatseqarfiup tamaasa  
pissarsiarineqareerput.

Suliffeqarfimmi Kiffartuussivik Qiniikkanik Allatseqarfik sinnerlugu Ortooraq Møller imigassanik  
kimittuunik sasasaaliinisamut tunineqarnissaanut piumasaqaatit naammassineqartutut  
nalilerneqarpoq.

#### *Aningaasaqarnikkut sulisoqarnikkullu naliliinerit*

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

#### *Inatsisitigut tunngavissaq allakkallu tunngaviusumik uppermarsaatitallit*

- Imigassaq pillugu Inatsisartut Inatsisaat nr. 35, 23. november 2017-meersoq
- Init imigassanik aalakoornartulinnik nioqquteqartarfiit sassaallertarfiillu aaqqiissuunneqarneri  
atorneqarnerilu pillugit Namminersornerullutik Oqartussat Nalunaarutaat nr. 19 ulloq 29.  
marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik  
Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq  
sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-  
meersoq

#### *Ingerlariaqqinnissaq*

Aningaasaqarnermut Inuussutissarsiornermullu Ataatsimiititap akuersissuteqarneratigut  
malittarisassat periutsillu atuuttut naapertorlugit Café / Hotel sinnerlugu Ortooraq Møller  
imigassamik aalakoornartortalinnik sassaaliinissamut akuersissutinik tunineqassaaq.  
Suliffeqarfimmi Kiffartuussivik Qiniikkanik Allatseqarfiup imigassanik tuniniaasinnaanermut  
sassaallertarnermullu akuersissutinut atatillugu allaffissorneq akisussaaffigaa.

Suliffeqarfimmi Kiffartuussivik Aningaasaqarnermut Inuussutissarsiornermullu Ataatsimiititap  
itigartitsissutigissappagu qinnuteqaateqartoq Qiniikkanik Allatseqarfimmit aalajangiineq pillugu  
ilisimatinneqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Innuttaasunik peqataatitsineq/attaveqaaqatigiinneq**

Soqanngilaq.

#### **Ingerlatsivinniit allaniit oqaaseqaatigineqartut**

Soqanngilaq.

#### **Ilanngussaq**

Soqanngilaq.

## **Punkt 04E: Brugseni Natalie imigassanik aalakoornartortalinnik tuniniaanissamut akuersissummik type A-mik qinnuteqaat**

### **Beslutning**

Inassutigineqartoq akuersissutigineqarpoq.

## **Brugseni Natalie imigassanik aalakoornartortalinnik tuniniaanissamut akuersissummik type A-mik qinnuteqaat**

Aalajangiiffigisassaq

J.nr. 70.06.00

Suliffeqarfimmi Kiffartuussivik - Pisortaaneq Lars Møller-Sørensen / LMS

### **Suliassamik eqikkaaneq**

Imigassanik aalakoornartortalinnik tuniniaanissamut akuersissummik Type A-mik Brugseni Natalie, Nerngalla 10 B 2812, 3905 Nuusuaq sinnerlugu Stine Skifte Pedersen, qinnuteqaataa.

Suliffeqarfimmi Kiffartuussiviup tiguaa.

### **Inassuteqaat**

Suliffeqarfimmi Kiffartuussiviup Aningaasaqarnermut Inuusutissarsionermullu Ataatsimiititumut inassuteqaatigaa:

- Brugseni Natalie imigassanik aalakoornartortalinnik tuniniaanissamut akuersissut type A pillugu qinnuteqaat akuersissutigineqassasoq

### **Suliassamik saqqummiussineq**

Imigassanik aalakoornartortalinnik tuniniaanissamut akuersissummik Type A-mik Brugseni Natalie qinnuteqaataa Suliffeqarfimmi Kiffartuussiviup tiguaa.

Kalaallit Nunaani Politiit, Qatserisartoqarnermut oqartusaasut, Meeqqanut inuusuttunullu Ingerlatsivik kiisalu Peqqisusseq pitsaaliuinermilu Ingerlatsivik oqaaseqaatissaqanngillat.

Inatsilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu Kommunalbestyrelsimiit nalunaarutigineqassanersoq allaaserineqarpoq:

- Suliffeqarfinni kantiinat imigassa qarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit assigisaallu imigassanik kimittuunik sassaalliteqartussaasariaqanngillat. Taamaattorli sassaalliisartut imigassanik kimikitsunik sassaallertarnissaannut Kommunalbestyrelsimiit aalajangerneqarsinnaavoq.

Inatsilerituumut nassuiaatigaa, ingerlatsisussaataitanermit assigiimmik tunngaveqarnissaq Kommunalbestyrelsimiit qanoq unioqutitsisoqarani saneqqunneqarsinnaanersoq:

- Najugaqarfiit eqqaanni sassaalliisartarfiit nutaat Kommunalbestyrelsimiit illoqarfiup pilersaarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimiit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani imigassartunnginnermik siuarsaanissamut tulluartaasut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimiit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut.

Aaqqiissutissatut siunnersuut – suliatigut naliliineq

Imigassanik sassaaliinisamut akuersissuteqarnissamut siullermeerluni qinnuteqarnermi paasissutissat pisariaqartut Suliffeqarfimmi Kiffartuussiveqarfimmiit tamaasa

pissarsiarineqareerput. Suliffeqarfimi Kiffartuussivik sinnerlugu Brugseni Natalie imigassanik aalakoornartortalinnik tunineqarnissaanut piumasaaqatit naammassineqartutut nalilerneqarpoq.

*Aningaasaqarnikkut sulisoqarnikkullu naliliinerit*

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

*Inatsisitigut tunngavissaq allakkallu tunngaviusumik uppersaatitallit*

- Imigassaq pillugu Inatsisartut Inatsisaat nr. 35, 23. november 2017-meersoq
- Init imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

*Ingerlariaqqinnissaq*

Aningaasaqarnermut Inuussutissarsionermullu Ataatsimiititap akuersissuteqarneratigut malittarisassat periutsillu atuuttut naapertorlugit Brugseni Natalie imigassamik aalakoornartortalinnik tuniniaanissamut tunineqassaaq. Suliffeqarfimmi Kiffartuussiviup imigassanik aalakoornartortalinnik tuniniaanissamut akuersissutinut atatillugu allaffissorneq akisussaaffigaa.

Aningaasaqarnermut Inuussutissarsionermullu Ataatsimiititap itigartitsissutigissappagu qinnuteqaateqartoq Suliffeqarfimmi Kiffaruussiviup aalajangiineq pillugu ilisimatinneqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinniit allaniit oqaaseqaatigineqartut**

Soqanngilaq.

**Ilanngussaq**

Soqanngilaq.

**Punkt 04F: Restaurant Tullemut, Restaurant Kristinemut aamma  
Minimutten imigassanik kimittuunik sassaaliinissamut akuersissummik  
type B-mik qinnuteqaat**

**Beslutning**

Inassutigineqartoq akuersissutigineqarpoq.

# **Restaurant Tullemut, Restaurant Kristinemut aamma Minimutten imigassanik kimittuunik sassaaliinissamut akuersissummik type B-mik qinnuteqaat**

Aalajangiiffigisassaq

J.nr. 70.06.00

Suliffeqarfimmi Kiffartuussivik - Pisortaaneq Lars Møller -Sørensen / LMS

## **Suliassamik eqikkaaneq**

Imigassanik kimittuunik kimikitsunillu sassaaliinissamut akuersissummik Type B-mik Restaurant Tullemut, Restaurant Kristinemut aamma Minimutten, H.J. Rinksvej 18, 5 B 204, 3900 Nuuk sinnerlugu Kristian Kleist Baslev, qinnuteqaataa Suliffeqarfimmi Kiffartuussiviup tiguaa.

## **Inassuteqaat**

Suliffeqarfimmi Kiffartuussiviup Aningaasaqarnermut Inuusutissarsionermullu Ataatsimiititامت inassuteqaatigaa:

- Restaurant Tullemut, Restaurant Kristinemut aamma Minimutten imigassanik aalakoornartortalinnik sassaaliinissamut akuersissut type B pillugu qinnuteqaat akuersissutigineqassasoq

## **Suliassamik saqqummiussineq**

Imigassanik kimittuunik kimikitsunillu sassaaliinissamut akuersissummik Type B-mik Restaurant Tullemut, Restaurant Kristinemut aamma Minimutten qinnuteqaataa Suliffeqarfimmi Kiffartuussiviup tiguaa.

Qinnuteqaat Kalaallit Nunaani Politiinut, Qatserisartoqarnermut oqartusaanut, Meeqqanut inuusuttunullu Ingerlatsivimut kiisalu Peqqisusseq pitsaaliuinermilu Ingerlatsivimut tusarniutigineqangilaq.

Inatsilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu Kommunalbestyrelsimiit nalunaarutigineqassanersoq allaaserineqarpoq:

- Suliffeqarfinni kantiinat imigassaqaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit assigisaallu imigassanik kimittuunik sassaalliteqartussaasariaqanngillat. Taamaattorli sassaalliisartut imigassanik kimikitsunik sassaallertarnissaannut Kommunalbestyrelsimiit aalajangerneqarsinnaavoq.

Inatsilerituumut nassuiaatigaa, ingerlatsisussaatitaanermut assigiimmik tunngaveqarnissaq Kommunalbestyrelsimiit qanoq unioqutitsisoqarani saneqqunneqarsinnaanersoq:

- Najugaqarfiit eqqaanni sassaalliisartarfiit nutaat Kommunalbestyrelsimiit illoqarfiup pilersaarusionerqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimiit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani imigassartunnginnermik siuarsaanissamut tulluurtuusut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimiit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut.

Aaqqiissutissatut siunnersuut – suliatigut naliliineq  
Imigassanik sassaaliinisamut akuersissuteqarnissamut siullermeerluni qinnuteqarnermi paasissutissat pisariaqartut Suliffeqarfimmi Kiffartuussivik tamaasa pissarsiarineqanngillat. Suliffeqarfimmi Kiffartuussiviup Restaurant Tullemut, Restaurant Kristinemut aamma Minimuttenip imigassanik kimittuunik sasasaaliinisamut tunineqarnissaanut piumasaqaatit naammasineqartutut nalilerneqarpoq.

#### *Aningaasaqarnikkut sulisoqarnikkullu naliliinerit*

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

#### *Inatsisitigut tunngavissaq allakkallu tunngaviusumik uppernarsaatitallit*

- Imigassaq pillugu Inatsisartut Inatsisaat nr. 35, 23. november 2017-meersoq
- Init imigassanik aalakoornartulinnik nioqquteqartarfiit sassaallertarfiillu aaqqiissuunneqarneri atornerarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

#### *Ingerlariaqqinnissaq*

Aningaasaqarnermut Inuussutissarsiornermullu Ataatsimiititap akuersissuteqarneratigut malittarisassat periutsillu atuuttut naapertorlugit Restaurant Tullemut, Restaurant Kristinemut aamma Minimuttenip imigassamik aalakoornartortalinnik sassaaliinissamut akuersissutinik tunineqassaaq. Suliffeqarfimmi Kiffartuussiviup imigassanik tuniniaasinnaanermut sassaallertarnermullu akuersissutinut atatillugu allaffissorneq akisussaaffigaa.

Aningaasaqarnermut Inuussutissarsiornermullu Ataatsimiititap itigartitsissutigissappagu qinnuteqaateqartoq Suliffeqarfimmi Kiffartuussiviup aalajangiineq pillugu ilisimatinneqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Innuttaasunik peqataatitsineq/attaveqaqatigiinneq**

Soqanngilaq.

#### **Ingerlatsivinniit allaniit oqaaseqaatigineqartut**

Soqanngilaq.

#### **Ilanngussaq**

Soqanngilaq.

## **Punkt 5: Suliat Kommunalbestyrelsimut ingerlateqqitassat**

## **Punkt 05A: Tusarniaanermi akissutit**

### **Beslutning**

Inassutiqaatigineqartoq akuersissutigineqarpoq.

Ad §20, imm. 4: Tusarniaassummut akissuteqaammut siunnersuut oqaaseqaatitaqanngilaq.

Ad §25, imm. 1: Imigassanik tuniniaanerup ammasarfiisa sivitsorneqarnissai eqqarsaatigalugit pitsaasumik sunniuteqassasoq amerlanerussuteqartunit neriuutigineqarpoq. Allannguutissatut siunnersuut ikinnerussuteqartut akerlerivaat.

Ad §27, imm. 4-mut: Maanna ussaasaareqqusaannginnerup sakkukillisarneqarnissaa amerlanerussuteqartunit pitsaasutut isigineqarpoq. Ussaasaareqqusaannginnerup tamakkiisumik atorunnaarsinneqarnissaa ikinnerussuteqartut isumaqatigivaat.

Ad §28-mut: Allannguutissatut siunnersuut amerlanerussuteqartunit akuerineqarpoq, aamma assersuisoqassanersoq pisiniarfiit namminneq aalajangissagaat kissaatigalugu.

Tamatuma saniatigut imigassanut inatsimmik allanngiineq marloriarluni pisumi periuuserineqartoq pissusissamisuunngitsoq ataatsimiititamit tamarmiusumit isumaqatigiissutigineqarpoq.

### **Bilag**

bilag 1 - HÅringssvar KAL.docx

Bilag 2. Forslag til ændring af Inatsisartutlov om alkohol KAL.pdf

Bilag 3. Bemærkninger til forslaget KAL.pdf

## **Tusarniaanermut akissutit**

Inatsisartut inatsisaat nr xx xx xxx 2019-imeersup, imigassat aalakoornartullit pillugit Inatsisartut inatsisaata allanngortinnera pillugu

Aalajangiiffigisassaq

J nr: 70.06.00

Suliffeqarfimmut Kiffartuussivik – Kommunaldirektøri Lars Møller-Sørensen / LMS

## **Suliap eqikkarnera**

Kommuneqarfik Sermersooq allakkatigut Inatsisartut inatsisaata nr xx xx xxx 2019-imeersup, imigassat aalakoornartullit pillugit Inatsisartut inatsisaata allanngortinnera pillugu tusarniaassummik suliagarpoq.

Tusarniaanermut akissuteqarnissaq ulloq 29-01-2019-imut killilerneqarpoq.

Inatsisartut inatsisaat kiisalu tusarniaanermut akissuteqaat ilanngussatut ilanngunneqarpoq.

## **Inassuteqaat**

Suliffeqarfimmut Kiffarfuussiviup Aningaasaqarnermut Inuussutissarsiornermullu Ataatsimiititumut inassuteqaatigivaa:

- Aningaasaqarnermut Inuussutissaqarnermullu Ataatsimiititap tusarniaanermut akissut akuerissagaa, aammalu
- Tusarniaanermut akissut pillugu suliag Kommunalbestyrelsimut ilisimatitsissutitut ingerlateqqinneqassasoq.

## **Suliap saqqummiunneqarnera**

Kommuneqarfik Sermersooq allakkatigut Inatsisartut inatsisaata imigassat aalakoornartullit pillugit Inatsisartut inatsisaata allanngortinnera pillugu tusarniaassummik suliagarpoq.

Tusarniaanermi akissuteqaat ilanngussatut ilanngullugu nassiunneqarpoq. Matumani suliamik saqqummiussineq siunnersuut nassiunneqartoq tunngavigalugu suliarineqarpoq.

Inatsisissatut siunnersuut Inatsisartut imigassat aalakoornartullit pillugit inatsisaannik makkuninnga allannguutissanik imaqarpoq:

§ 20, imm 4 imatut ilillugu qasukkarneqassasoq, inuusuttut 15-it aamma 18-it akornanni ukiullit sassaallertarfinni nal 23.00-ip tungaanut isersimasinnaasut.. Massakkut inatsisaasumi inuusuttut 15-it aamma 18-it akornanni ukiullit sassaallertarfinni nal 20.00-ip tungaanut isersimasinnaapput.

§ 25, imm 1 imatut ilillugu qasukkarneqassasoq, pisiniarfiit imigassamik aalakoornartortalimmik ataasinngornermiit arfininngornermut nal 10.00-20.00 tuniniaasinnaalissasut.. Ullumikkut inatsisaasumi piffissat tuniniaaviusut imatut aalajangersagaapput: ataasinngornermmit tallimannngornermut nal 09.00-18.00 arfininngornermilu nal 10.00-14.00.

Ussassaareqqusaannginneq (§ 27, imm 4) atorunnaarsinneqassasoq. Siunissami suliffeqarfiit imigassamik aalakoornartortalimmik namminneq internettikkut nittartakkaminni matoqqasumi ussassaarisinnaassasut, aamma niuertarfiup initaani taamatullu inini sassaalliisarfiusuni, imigassap aalakoornartua qanorluunniit sakkortussuseqaralarpat. Imatut tunitsivissarsiortoqassaaq qupperneq matoqqasooq taamaallaat imigassamik aalakoornartulinnik imaqartillugu. Imigassat aalakoornartullit ussassaarutigineqarnerat imigassap saniatigut sunniutigisartagai taamatullu pinngitsuuisinnaajunnaarneq sumi pisinnaanersoq pillugit paasissutissanik ilaqartinneqartassaaq.

§ 28 imatut ilillugu qasukkarneqassasoq, imigassat aalakoornartortallit nioqqutigineqartunit allanit assiaquserneqarsimanissaannik peqqusineq atorunnaarsinneqassasoq. Naalakkersuisut pisiniarfinni imigassat aalakoornartullit sumi inissisimatinneqarnissaannik suli aalajangersaasinnaassasut.

*Aaqqiissutissatut siunnersuut – suliatigut naliliineq*

Tusarniaanermi akissutigineqartoq ilanngunneqartoq takuuk.

*Aningaasaqarnikkut sulisoqarnikkullu naliliineq*

Tusarniaanermi akissutigineqartoq ilanngunneqartoq takuuk.

*Inatsisitigut tunngavigisat allagaatillu tunngaviliiviusut*

Inatsisartut inatsisaat nr xx xx xxx 2019-imeersup, imigassat aalakoornartullit pillugit Inatsisartut inatsisaata, allanngortinnera pillugu

Aalakoornartut pillugit Inatsisartut inatsisaat nr 35, 23 novembari 2017-imeersaq.

*Ingerlariaqqinnissaq*

Politikkikkut oqaaseqaateqarpat taakkua tusarniaanermut akissuteqaatigineqartumut ilanngullugit nassiunneqassapput.

**Aningaasaqarnermut Allatseqarfimmit oqaaseqaatit**

Aningaasaqarnermut Allattoqarfimmit oqaaseqartitsisoqarsimanngilaq.

**Innuttaasut peqataatinneqarnerat/attaveqatigiinneq**

Soqanngilaq

**Ingerlatsivinnit allanit oqaaseqaatit**

Soqanngilaq

**Ilanngussat**

1. Tusarniaanermi akissuteqaat
2. Inatsisartut inatsisaat nr xx xx xxx 2019-imeersaq, imigassat aalakoornartullit pillugit Inatsisartut inatsisaata allanngortinnera pillugu
3. Siunnersuummut nassuiaatit

## **Punkt 05B: Tusarniaanermi akissutit**

### **Beslutning**

Inassutigineqartoq akuersissutigineqarpoq, inassummi allannguummut ima oqaasertalerlugu:

*"Tusarniaassummut akissutigineqartoq tunngavigalugu siunnersuut Aningaasaqarnermut Inuussutissarsiornermullu Ataatsimiititamit itigartinneqarpoq"*

*"Mala Høy Kuko-p politikeritut siunnersuutaata oqaluuserineqalernerani ilanngussatut ilanngunneqassasoq."*

### **Bilag**

Bilag 1 KAL.pdf

## **Qilalukkat pillugit politikkerimit siunnersuut**

Qilalukkat qernertat qaqortallu sunngiffimmi piniartunut akuersissutigineqarsimasut amerlineqarnissaannik siunnersuut pillugu Tasiilami nunaqarfiinilu aalisartut piniartullu siulittaasuinut tusarniaaneq

Aalajangiiffigisassaq

J nr: 72.00

Suliffeqarfimmi Kiffartuussivik – Kommunaldirektøri Lars Møller-Sørensen / LMS

### **Suliap eqikkarnera**

Suliffeqarfimmi Kiffartuussivimmi sulisut ilaat Tasiilami nunaqarfiinilu (Tiilerilaaq, Kulusuk, Sermiligaaq, Isertoq, Kuummiit) aalisartut piniartullu siulittaasuinik oqarasuaatikkut tusarniaasimavoq.

Siulittaasut apersorneqartut Tunumi maannakkut qilalugartassanik agguassinermit najoqqutassat amerlineqarnissaannik siunnersuut akerleraat, maannakkut inatsit naapertorlugu 15 %-iusoq.

Aalisarnermut oqartussaqaqarnermullu immikkoortortap suliap matumuuna matuaa.

### **Inassuteqaat**

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Tusarniaaneq tunuliaqutaralugu suliap Aningaasaqarnermut Inuussutissaqaqarnermullu Ataatsimiititamit unitsinneqassasoq, aammalu
- Suliap Kommunalbestyrelsimut aalajangiiffigisassanngorlugu ingerlateqqinneqassasoq.

### **Suliamik saqqummiussineq**

Suliffeqarfimmi Kiffartuussivimmi sulisut ilaat Tasiilami nunaqarfiinilu (Tiilerilaaq, Kulusuk, Sermiligaaq, Isertoq, Kuummiit) aalisartut piniartullu siulittaasuinik oqarasuaatikkut tusarniaasimavoq.

Siulittaasut apersorneqartut Tunumi maannakkut qilalugartassanik agguassinermit najoqqutassat amerlineqarnissaannik siunnersuut akerleraat, maannakkut inatsit naapertorlugu 15 %-iusoq.

Isertumi piniartut ilaat naapertorlugu qilalukkanik qaqortanik aamma/imaluunniit qernertanik piniarnerq inuussutissarsiuutigalugu piniartunut ilungersunarpoq, tassami sunngiffimmi piniarnermut allagartamik piginnittoq qilalukkamik qernertamik qaqortamilluunniit pisaqaruni inuussutissarsiuutigalugu piniartumut ilisarimasaminut pisariaqartutut nalunaarsortitsisarnerat nalinginnaaleraluttuinnarmat, taamatullu iliortarnerq inuussutissarsiuutigalugu piniartut qilalukkanik qernertanik qaqortanillu killilersugaareersunik piniarnarnerat annikillisinneqartarpoq.

Matumani oqarasuaatikkut tusarniaasoqarpoq, tusarniaanermilu tusarniaaffigineqartut tassaapput:

- Tiilerilaaq, Hans Jonathansen (siulittaasoq nutaaq)
- Kulusuk, Pele Maratse
- Kuummiit lili Ignatiussen
- Tasiilaq Frede Kilime
- Sermiligaaq Didrik Knudsen
- Isertoq Salomon Kærsgaard (piniartoq)

*Aaqqiissutissatut siunnersuut - suliatigut naliliineq*

Aalisarnermut oqartussaqaqarnermullu immikkoortortap nalilerpaa, suliami matumani kommune iliuseqaqqissanngitsoq, Inuusutissarsiuutigalugu piniartut amerlilisoqarsinnaaneramik kissaateqaqarnermik akerliliinerat Namminersorlutik Oqartussanut tusaaniarneqarniarmat.  
*Aningaasaqarnikkut sulisoqarnikkullu naliliinerit*  
Soqanngilaq

*Inatsisitigut tunngavigisat allagaatillu tunngaviliiviusut*  
Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr 3, 27 januar 2017-imeersoq

*Ingerlariaqqinnissaq*  
Tusarniummut akissut 10. januar 2019 kingusinnerpaamik akineqartussaasoq, nassiunneqarpoq.

**Aningaasaqarnermut Allattoqarfimmit oqaaseqaatit**  
Aningaasaqarnermut Allattoqarfimmit oqaaseqartitsisoqarsimanngilaq

**Innuttaasunik peqataatitsineq/attaveqaqatigiinneq**  
Tasiilami, Sermiligaami, Isertumi, Tiilerilaami, Kuummiini Kulusummilu piniartut oqarasuaatikkut tusarniaaffigineqarsimapput.

**Ingerlatsivinnit allanit oqaaseqaatit**  
Aningaasaqarnermut Allattoqarfimmit oqaaseqartitsisoqarsimanngilaq

**Bilag**

1. Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersoq

## **Punkt 05C: Soqanngilaq**

Suliaq oqaluuserisassanit peerneqarpoq.

## **Punkt 05D: Malittarisassat**

### **Beslutning**

Suliap saqqummiunneqarnerani inatsimmut atuuttumut naapertuunnissaa kissaatigineqarmat, ileqqoreqqusat Suliffeqarfimmi Kiffartuussivimmut utertinneqarput.

### **Bilag**

VedtÅ!gter-for-Ammassalik-museum\_25165\_KAL.docx

VedtÅ!gter-for-Paamiut-museum\_25165\_KAL.docx

## **Malittarisassat**

Tasiilami aamma Paamiuni katersugaasivinnut akuerisaasunut atuupput

Aalajangiiffigisassaq

J nr: 58.00

Suliffeqarfimmut Kiffartuussineq – Kommunaldirektøri Lars Møller-Sørensen / LMS

### **Suliap eqikkarnera:**

Katersugaasiveqarneq pillugu Inatsisartut inatsisaat nr 8, 3. juni 2015-meersoq naapertorlugu katersugaasiviit akuerisaasut malittarisassaat, katersugaasiviup siulersuisuinit akuerineqartussaapput.

Taamaattumik Tasiilami Paamiunilu katersugaasiviit malittarisassaliuunneqarput.

Inassuteqaatigineqarpoq siulersuisunut ilaasortaasusaaq ataaseq Kommunalbestyrelsimit toqqarneqassasoq, Tasiilamili aamma ilaasortatut toqqarneqareersimasooq ataaseq ingerlaannassasoq.

### **Inassuteqaat**

Pisortaqatigiinnut Allatseqarfimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Tasiilami aamma Paamiuni katersugaasiviit malittarisassaat akuersissutigeqqullugit
- Katersugaasiviit siulersuisuini ilaasortaasussatut inassuteqaatigineqartut akuersissutigeqqullugit
- Suliaq ilisimatitsissutitut Kommunalbestyrelsimut ingerlateqqinneqassasoq

### **Suliap saqqummiunneqarnera**

Katersugaasiviit marluusut, Tasiilamiittoq aamma Paamiuniittoq Katersugaasiveqarneq pillugu inatsit juni 1995-meersoq naapertorlugu akuerisaapput. Taamaattumik katersugaasiviit marluusut malittarisassaat kommunalbestyrelsimit akisussaasumit akuerineqartussaapput.

Malittarisassat katersugaasiviit illutaat pillugit paasissutissanik imaqqassapput aamma ilaasortat taakkununga attuumassuteqartut pillugit paasissutissanik imaqqassallutik.

### *Aaqqiissutissatut siunnersuut – suliatigut naliliineq*

Katersugaasivinnut malittarisassat uppersaataapput inatsisitigut peqqussutaasut, Kommunalbestyrelsimit akuerineqartussat. Siulersuisut tallimaasut toqqarneqassapput taakkunanga ataaseq Kommunalbestyrelsimit toqqarneqartussaalluni.

Tasiilami siulersuisut pioreerput ingerlateqqinneqassappullu siulersuisullu ima isikkoqarput:

Paamiuni ukiuni arlalinni siulersuisoqarsimangilaq Kommunalbestyrelsilu qinnuigineqarpoq Paamiuni ilaasortamik ataatsimik toqqaaqqullugu. Ilaasortat sinneri najukkami toqqarneqassapput suliatigut kultureqarnikkulluunniit katersugaasivimmik soqutiginnittut.

### *Aningaasaqarnikkut sulisoqarnikkullu naliliinerit*

Katersugaasivimmi siulersuisunut ilaasortat akissarsiaqaratik sulisarput. Ataatsimiinnerni sutugassaqaartitsineq kisimi aningaasartuutaasarpoq.

### *Inatsisitigut tunngavigisat allagaatillu tunngaviliiviusut*

Katersugaasiveqarneq pillugu Inatsisartut inatsisaat nr. 8, 3. juni 2015-imeersoq

*Ingerlariaqqinnissaq:*

Inassuteqaatit akuersissutigineqarpata katersugaasivinni siulersuisunut ilaasortat ataatsimiigiaqquneqassapput.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

**Innuttaasunik akuutitsineq/attaveqatigiinneq**

Katersugaasivinnik siulersuineq ingerlalluarpat katersugaasiviit ataasiakkaat najukkami innuttaaqataasut atorluarsinnaavaat taamaasillutillu suliaqarnermi najukkami innuttaasut akuutinnissaat nukittorsarlugu.

**Ingerlatsivinnit allanit oqaaseqaatit**

**Ilanngussat**

1. Malittarisassat Ammassallip Katersugaasivianut
2. Malittarisassat Paamiut Katersugaasivianut

# **Punkt 05E: Tapiiffigitinnissamut malittarisassat nutarternissaannut siunnersuut**

## **Beslutning**

Siunnersuutip 3-p innersuussutigineqarnera akuersissutigineqarpoq.

Aningaasaqarnermut Inuussutissarsiornermullu Ataatsimiititap siunnersuutip 3-p ukiuni marlunni ingerlanneqarnissaa tamatumalu kingorna nalilersuiffigineqarnissaa innersuussutigaa.

## **Bilag**

Bilag 1- Forslag-1-Fornyelse-tilskudsregler-alm 22923\_KAL.docx

Bilag 2 - Forslag-2-Fornyelse-af-tilskudsregler-1-november\_22923\_KAL.docx

Bilag 3 - Forslag-3-Fordelings-eksempler-i-fordelingsnøgleprincip-KAL.docx

Bilag 4 - Tilskudsregler pr 1 april 2014 DA (3).pdf

Bilag 5 - Høringssvar fra december 2017.docx

Bilag 6 - Høringssvar fra august 2018.docx

## **Tapiiffigitinnissamut malittarisassat nutarternissaannut siunnersuut**

Sammissaqartitsineq aamma timersorneq

Aalajangiiffigisassaq

J. nr.: 55.02

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

### **Suliassamik eqikkaaneq**

Tapiiffigitinnissamut malittarisassat maanna atuuttut maajip qaammataani 2014-meersut allanngortinnissaannut Meeqqanut Atuarfeqarnermullu Ingerlatsivik siunnersuusiorpoq. Allannguuteqarnissamut siunnersuuteqarneq ilaatigut inatsimmi allannguinnermit tunngaveqarpoq, matumani innersuussutigineqarpoq Kulturikkut ingerlatsineq sunngiffimmilu sammissassaqartitsineq pillugit Inatsisartut inatsisaat nr. 5, 6. juni 2016-imeersoq peqatigiiffiillu allaffissornikkut suliaqartarnerat annikinnerpaaffianiitillugu.

Suliap suliarineqarnerani siullermi AIA itigartippa allattoqarfimmullu utertillugu, kissaatigineqarmat siunnersuutit iluaqutai, ajoqutai kingunerisassaalu ersarissarneqassasut.

Tamanna tunngavigalugu Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititap tapiiffigitinnissamut malittarisassanut siunnersuutit pingasut akornanni arlaat isummerfigissagaa inassuteqaatigaa.

Suliaq Meeqqanut Atuarfeqarnermullu Ataatsimiititamit siullermeerlugu suliarineqarpoq novembarip tallimaanni 2018, tassani ataatsimiititap siunnersuut 3 akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu kommunalbestyrelsimut inaarutaasumik akuerisassanngorlugu ingerlateqqillugu.

Suliap suliareqqaarnerani Aningaasaqarnermut Inuussutissarsiornermullu Ataatsimiititap novembarip 7-ani 2018 ataatsimiinnerminni suliaq allatseqarfimmu uterteqqippaa, tassani siunnersuutigineqartut tamarmik ataasiakkaarlugit iluaqutissai, iluaqutissarinngisai kingunerisassaallu ataatsimiititamit erseqqarinnersumik allanneqarnissaat kissaatigineqarmat.

Ingerlatsivimmit suliaq sulereqqinneqarpoq aammalu Meeqqanut Atuarfeqarnermut Ataatsimiititamut decembarip ulluisa sisamaani 2018 ataatsimiinnissannut ingerlateqqinneqarluni, tassani ataatsimiititap siunnersuutigineqartut pingasut akuerissanngilaat, suliarlu Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut inaarutaasumik aalajangiiffigisassanngorlugu ingerlateqqillugu.

INDSÆT TO LINJER

### **Inassuteqaat**

Meeqqanut Atuarfeqarnermullu Ataatsimiititap inassuteqaatigaa Aningaasaqarnermut Inuussutissarsiornermullu Ataatsimiititamut:

- tapiissuteqarnermut malittarisassanik nutarterineq akuersissutigineqassasoq, aammalu
- suliaq Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

### **Suliassamik saqqummiussineq**

Susasaqartitsinermut timersornermullu tapiissuteqarnermut malittarisassat nutarterneqassasut Meeqqanut Atuarfeqarnermullu Ingerlatsivimmit aalajangiunneqarpoq. Siunertaavoq ilaatigut peqatigiiffiit allaffissornermik suliaqarnerata annikillisaaffiginissaa.

Tapiiffigitinnissamut malittarisassat innuttaasunut peqatigiiffinnullu Meeqqanut Atuarfeqarnermullu Ingerlatsivimmit pingasoriarlugit tusarniaassutigineqarput. Tusarniaaneq siulleq nalinginnaasumik tusarniaaneruvoq, tassanilu malittarisassat naleqqussarnissaannut siunnersuutissaqartoqaruni soqutigisaqaqatigiit siunnersuuteqaqquneqarlutik. Tassani katillugit tusarniaassummut akissuteqaatit pingasut ingerlatsivimmit tiguneqarput. Tusarniaanerit aappaat malittarisassanut agguaasseriaatsimut tunngasuvoq tassanilu tusarniaassummut akissutit ingerlatsivimmit tiguneqartut 11-pput. Naggataatigullu tusarniaanerit pingajuat ingerlanneqarpoq, tassanilu ingerlatsivik sukumiisunik pingasunik siunnersuuteqarpoq tusarniaassummullu akissutit marluk ingerlatsiviup tigullugit.

Allannguutissatut siunnersuutit pingasut tassaapput:

Siunnersuut 1:

Maannakkut tapiissuteqartarnermut malittarisassat allanngortinnagit ingerlaannassasut. Tunngaviatigut ukioq kaajallallugu timersornikkut unammuaarnernut tapiiffigineqarnissamut peqatigiiffiit qinnuteqarsinnaapput. Qinnuteqarnermi billetsit inniminnernerat uppernarsaatitut ilanngunneqartassapput, sullissinerlu ullut tallimat sinnerlugit sivissuseqarpat, pitsaannequtigisinnaavaa angalanissamut inniminniinerit peqatigiiffinnit annaaneqartut, tassami ullut tallimaatinnagit angalatitseqatigiiffinni malittarisassat malillugit akilerneqareersimasussaagamik. Siunnersuut 1 naapertorlugu Peqqinnermut Susasaqartitsinermullu Immikkoortortaqruiup tapiiffigitinnissamut malittarisassat najoqqutassartai attatiinnarpai, taamaattumik malittarisassat allannguningajapput, taamaattoq ataasiakkaat eqqaassanngikkaanni ataanilu erseqqissarneqarput.

Tapiiffigitinnissamut malittarisassat allanngortinneqarnissaannut siunnersuut 1:

- Meeqqanut pinerluuteqarsimannginnermut uppernarsaateqarnissaq malittarisassani ilaatinneqarpoq. Sungiusaasunik sulisoqalernerimi meeqqanik pinerliisimannginnermut uppernarsaatinik peqatigiiffiit pissarseqqaassasut pisussaaffiliisoqarpoq, tassa Meeqqanik pinerliisimannginnermut uppernarsaatinik piumasaqaateqartussaataaneq pillugu Inatsisartut inatsisaata allanngortinnera pillugu Inatsisartut inatsisaat nr. 7, 3. juni 2015-imeersoq. (Atuuffiata annertusinera).
- Inuit ataasiakkaat nammineq akilikkaminnik najugarisartik qimallugu pikkorissartunut peqataajartornerannut tunngasoq – tapiissuteqarnermut malittarisassanit peerneqarpoq. Pissutigalugu pikkorissarnerit inatsisitigut tapersorneqarsinnaannginnamik, pissutigalugu pikkorissarnerit piginnaasaqarnerulernissanut tunngasuummata, Kulturikkut ingerlatsineq sunngiffimmilu sammisasaqartitsineq pillugu Inatsisartut inatsisaat nr. 5, 6. juni 2016-imeersoq innersuussutigineqarpoq.
- Tapiiffigineqarnissamut malittarisassaniit oqaatsit pillugit pikkorissarnissamut periarfissat peerneqarput, pikkorissarnernut tapiisarnerit pillugit tunngavilersuutaa assigaa.
- Erinarsoqatigiinnermut tunngatillugu, § 8.1, 8.2 aamma 8.3 tapiissuteqarnermut malittarisassanit peerneqarput. Matumani erinarsoqatigiinneq sammisaqartitsinerugami peqatigiiffittulli allatut periarfissaqartinneqassallutik, siunnersuut 1 innersuussutigalugu.
- Pequtinik atortussanillu pissarsineq malittarisassanit peerneqarput, pissutigalugu qaqutigut atorneqartaramik.
- Pokalinik pisinissamut tapiissutit amerlanerpaamik 5.000 koruuninngortinneqarput. Sakkortuumik timersuutitut tapiissuteqartarneq pillugu amerlanerpaamik angalanermut uterlugulu billetsip affaa tapiiffigineqartarpoq. Maanna tapiissutit allanngortinneqarput peqataasumut ataatsimut 1.500 koruuninngortinneqarlutik, matumani sakkortuumik timersuutit peqataaffigineqartarnissaannut soqutiginnittut amerliartorneri pissutaapput.

Siunnersuut 1-mi pitsaaqutit:

Periarfissat killilersuinerillu pioreersut peqatigiiffinnit ilisimaarineqarput, taamaattumik allannguut una paasinarluassooq.

Siunnersuut 1-mi akorngutit:

Billetsit neqeroorutit akillu pissarsiarereernerisa kingorna angalatitsisartut piffissaliussaasut ullut tallimaasut peqatigiiffinnit malinniarneqarnissaasut ajornakusoortinneqassaaq, peqatigiiffiit uppersaasissarpassuarnik allakkanik Kommuneqarfik Sermersuumut tunniussisussaaneq pissutigalugu. Misilittakkat najoqqutaralugit uppersaasatinnik tamakkuninnga paarlaasseqatigiittarneq peqatigiiffinnut ilungersunartarpoq, pissutigalugu paasissutissat arlallit amigartarmata. Taamatut suliaqarnerinnaq sivisusarpoq.

Peqatigiiffiit ulapileruttormik nalaani qinnuteqaateqartarput sullissinertaalu sivisusinnaalluni.

Tapiissutit amerlanerpaat angalanernut atorineqartarput. Peqatigiiffiit mikinerusut angalanissaminut tapiissutisaneq ajorput, taamaallaat tapiissutiminnguut peqatigiiffiup ilaasortaanut atugassanik qinnuteqartoqarsinnaavoq, soorlu ilaasortamut ataatsimut 100 kr..

Siunnersuut 1-ip kingunerisinnaasai:

Peqatigiiffiit namminneq najugaqarfimminni nalinginnaasumik ineriartortitsinissaminut tapiissutisaneq ajorput. Peqatigiiffiit taamaalisut suli angalatitsepeqatigiiffiit piffissaliussaasut naammassiuminaatsissuaasut allatullu ajornartumik immaqa aningaasartuutissanut ileqqaartariaqartarsinnaallutik, peqatigiiffiillu tamarmik taamaaliorinnaangillat.

Allaffeqarfimmit ilassutitut aningaasaliisoqarnissaanik qinnuteqartoqaratarsinnaavoq, ilaatigut peqatigiiffiit immikkut pineqarnissaasut pinngitsoortinniarlugu ilaatigut kingusinnerusukkut peqatigiiffiit allat eqqarsaatigalugit GM-ertitsinissaq pequtaalluni. Matumani angalanernut tapiissutit procentitai allanngortinneqassanngitsut eqqarsaatigineqarput.

Siunnersuut 2:

Tapiissuteqartarnermut siunnersuut 2 siunnersuut 1-imi periuseq assigaa, taamaattoq peqatigiiffinnut tamanut qinnuteqarnissamut piffissaliunneqartoq aningaasat atorineqarnissaannut ukiumik ataatsimik sioqqutsisitsilluni novembarip ulluisa aallaqqaataanut killilerneqarpoq. Aningaasat januaarip aallartinnerani agguanneqassapput. Siunnersuutip pitsaaqutigivaa, peqatigiiffiit sammisaqarnissatik namminneerlutik pilersaarusiorninnaalissagaat, soorlu procenti aalajangersimasooq naapertorlugu tapiiffiqineqarnissatik peqatigiiffiit/qinnuteqartut tamarmik naatsorsuutsittassasut. Tamatuma saniatigut billetsinik piffissaq eqqorlugu akiliisarnissamut peqatigiiffinnut ajornaallisaaq.

Siunnersuut 2-mi pitsaaqutit:

Tapiiffigtinnissamut siunnersuut 2-p pitsaaqutigissavaa peqatigiiffiit ilisimaarimmatigut periarfissat killissarititaasullu. Taamaattumik una allannguut paasiuminassaaq. Tapiissutillu tunniutinnginnerini procentiunneqartussa assigiitsinneqassapput. Siunnersuutip peqatigiiffiit billetsit piffissaq eqqorlugu akilernissaannut ajornannginnerulertitsissaaq, peqatigiiffiit tapiissutit ukiup aallartinnerani tigusatussammattigut.

Siunnersuut 2-mi akorngutit:

Peqatigiiffiit tamarmik novembarip ulluisa aallaqqaataanni siumungaaq GM sumi ingerlanneqarnissaanik nalunaarutiginnissaanut periarfissaqarnavianninnerat. Matumani pequtaavoq kattuffiit immikkut ittut ukiup tulliani GM-imik ingerlatsinissamut sumiiffimmik ulluliinissamillu piareersimatitsinaviannigimmata tamatumalu saniatigut finalernissanut anngunniunnerit ingerlateqqaartussaallugit. Peqatigiiffiit naatsorsuutigisamit ikinnerusunik imaluunniit amerlanerusunik tapiissutiseratarsinnaapput, pequtigalugu billetsip akii

allanngorartarmata. Novembarip ulluisa aallaqqaataanniit qinnuteqartunut aningaasaliissutaasut tamaasa atorneqassappata, angalanissanut imaluunniit sammisassaqaartitsinernut naatsorsuutaanngitsunut ingerlatsivik tapiislinnaassanngilaq. Tapiissutit siumoortumik sumut atornissaat aaliangersagaapput, imatut paasillugu tapiissutit tapiisarnermut aaliangersakkat malillugit taamaallaat atorneqarsinnaapput.

Siunnersuut 2-p kingunerisinnaasai:

Peqatigiiffiit sammisassaqaartitsinertik piareersarluarnerulersinnaavaat. Peqatigiiffiit ilaannut tamanna ajoqutaasinnaavoq.

Ingerlatsivik aningaasanik immikkoortitsisariaqartassaaq, timersuutit ilai pissartanngorniunnerit aallartinnginnerini anngunniunnertaqartarmata.

Siunnersuut 3:

Siunnersuut 3 siunertaraa peqatigiiffinnut ingerlatsinikkut tapiissutit tunniunneqarnerini pingaarnertut agguassassat. Aningaasaliissutit katillugit tapiissutit peqatigiiffinnut ataasiakkaanut naatsorsoriarlugit tapiissutigineqassapput, tassani peqatigiiffinnut ukiuni kingullerni pingasuni tapiissutaasimasut agguaqatigiisillugit tunngavigineqassapput.

Siunnersuut 3-mi pitsaaqutit:

Siunnersuut pitsaaqutigivaa peqatigiiffiit tamarmik qinnuteqaqqaaratik tapiiffigineqartassammata, Peqatigiiffinni tamani peqatigiiffilerinermi ineriartortitsinissamut atugassarititaasut assigiilissapput. Siunnersuut 3 akuersissutigineqassappat, ukiup missingersuusiorfiusup aallartinnerani peqatigiiffiit paasitineqassapput tapiissutissaat qanoq amerlatigissanersut aamma taamaalillutik sammisassaqaartitsinerit siunissami pisussat pilersaarusiorsinnaanngorlugit. Aaqqiissut una atorlugu peqatigiiffiit siunissami missingersuutit namminneq aqussinnaassavaat ilaatigut katersuillutik peqatigiiffilerinermilu anguniakkamik angunissaannut aningaasat atorlugit. Peqatigiiffiit allaffissornerat annikinnerulissaaq. Allaffeqarfimmi sullissineq ullunik 30-nik sivirusseqassanngilaq, taamaalillutik peqatigiiffiit Kommuneqarfik Sermersooq utaqqisassanngilaat.

Siunnersuut 3-mi akorngutit:

Pitsaanngequtigissavaa peqatigiiffiit ilaat siusinnerusumut naleqqiullugu annikinnerusunik tapiiffigineqartalissammata, pissutigalugu aningaasat agguataarneqassammata. Peqatigiiffik arlalinnik immikkoortortaqareersoq taamaalilluni tapiissutinik immikkoortortaminut agguassisalissaaq.

Siunnersuut 3-p kingunerisinnaasai:

Kingunerisinnaasai tassaasinnaapput peqatigiiffiit ukiuni kingullerni unammiffiusartuniit ungasinnermi pissartanngorniutivinnernut ilaassappata aningaasartuuteqarsinnaanissaq annertunerusumik namminneq akiligassaqaalersinnaanerat, akerlianilli illoqarfigisami unammersuaartoqarpat aningaasartuutit ikinnerussapput iluaqutissiisunik. Peqatigiiffiit naatsorsuinerminni ilimagiunukku aappaagornissaanut aningaasartuutissat annertuumik annertunerussasut kommunimut maajip aallaqqaataatinnagu qinnutigisinnaavaat, aningaasaqarnermut missingersuutinut qinnuteqaatit ilanngunneqassammata. Peqatigiiffiit qinnuteqaasiornermut piffissaq atugassatik suliaminnut pingaarnernut atorsinnaalissavaat.

*Aaqqiissutissatut siunnersuut – suliatigut naliliineq*

Tusarniaassummut akissutit tunniunneqartut pitsaaqutit, ajoqutit kingunerisassaalu maanna Meeqqanut Atuarfeqarnermullu Ingerlatsivimmit ataatsimoortinneqarput.

Tusarniaassummut akissuteqaataasut tunngavigalugit tapiiffigitinnissamut malittarisassat allanngortinneqarneri eqqarsaatigalugit peqatigiiffinnit assigiinngitsunik isumaqarfigineqartut ingerlatsivimmit paasineqarpoq. Peqatigiiffiit ilaasa siunnersuut 3 piumaneruaat, tassani

pissartanngorniuttunut peqataanissamut tamatigut aningaasanik qinnuteqartariaqannginneq tunngavilersuutigaat.

Ilaat isumaqarput siunnersuut 3 naapertorlugu aningaasat agguataarneranni naligiittoqanngitsoq, taakkulu siunnersuut 1 imaluunniit 2 piuanerullugu, ilaatigut ukiumiit ukiumut pissartanngorniunnerit sumiiffiisa assigiinngitsuusarnerat tunngavilersuutigalugu. Ingerlatsivimmiit ilisimaneqartoq aamma tassaavoq, pioreersut allanngortinneqarnerat peqatigiiffiit/innuttaasut assigiinngitsunik malugiumaaraat. Taamaattumik agguaariaatsip peqatigiiffiit ilaannit naammagineqartuaannannginnissaa ilisimaarilluinnarneqarpoq.

Peqatigiiffiit nutaat ukiup missingersuusiorfiusup ingerlanerani pilersinneqarsinnaasut ingerlatsivimmit ilisimaarineqarpoq. Tamakkulu piareersimaffiginarlugit 250.000 koruunit ingerlatsivimmit immikkoortinneqarput. Aningaasanik atunngitsuukkanik peqassagaluarpat peqatigiiffinnut agguataarneqassapput. Ilanngussaq 3 innersuussutigalugu.

#### *Aningaasaqarnikkut sulisoqarnikkullu naliliinerit*

Timersornermut tapiissutitut aningaasartuutit 2,7 millioniupput.

Siunnersuut 1 naapertorlugu ukiup ingerlanerani tapiissuteqarnermut malittarisassani akigititap allanngortinnissaa periarfissaassaaq, akerlianillu siunnersuut 2 aamma 3 naapertorlugit ukiup aallartinnerani aningaasaqarnermut tunngasut pitsaanerusementik malinnaaffigineqarsinnaallutik.

#### *Inatsitigut tunngavissaq allakkallu tunngaviusumik uppernarsaatitallit*

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr 5, 6. juni 2016-imeersoq

#### *Ingerlariaqqinnissaq*

Tapiiffigitinnissamut malittarisassat akuersissutigineqartut 1. januaari 2019-imi atuutilissapput. Allannguutit kommunip nittartagaatigut nalunaarutigineqarpata peqatigiiffiit tamarmik ilisimatinneqassapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup malittarisassat ullutsinnut naleqquttut innersuussutigivai – tassani qaffasissuseq annerpaaq kommunalbestyrelsimit immikkoortinneqarnissaanut periarfissaalerluni – ilaatigut tapersorsorusutat eqqarsaatigalugit. Maannakkut malittarisassat malillugit aningaasaliissutit malinneqarnissaat qularnartarpoq.

#### **Innuttaasunik peqataatitsineq/attaveqaqatigiinneq**

Arlaleriarluni tusarniaasoqarpoq.

Tusarniaaneq 2017-imi decembarip ulluisa sisamaanni naavoq

Tusarniaaneq 2018-imi aggustip ulluisa aallaqqaataanni naavoq

Tusarniaaneq 2018-imi septembarip ulluisa 27-anni naavoq

#### **Ingerlatsivinnit allanit oqaaseqaatit**

Soqanngilaq

#### **Siusinnerusukkut aalajangerit:**

*Meeqqanut Atuarfeqarnermullu Ataatsimiititaq aalajangiinera, ulloq 18. decembari 2018:*

Ataatsimiititap siunnersuut nr 3akuersissutigaa

#### **Ilanngussat**

1. Tapiissuteqarnermut malittarisassatut siunnersuut 1
2. Tapiissuteqarnermut malittarisassatut siunnersuut 2
3. Tapiissuteqarnermut malittarisassatut siunnersuut 3
4. Susassaqartitsinerup timersornerullu iluani tapiissuteqarnermut malittarisassat maanna atuuttut
5. 2017-imi decembarimit tusarniaassummut akissutit
6. 2018-imi aggustimit tusarniaassummut akissutit
7. 2018-imi septembarimit tusarniaassummut akissutit

## **Punkt 05F: Kommuneqarfik Sermersuumi Nunarsuarmi anguniakkat tunaartaralugit iliuusissatut pilersaarut**

### **Beslutning**

Inassutigineqartoq akuersissutigineqarpoq.

# Kommuneqarfik Sermersuumi Nunarsuarmi anguniakkat tunaartaralugit iliussissatut pilersaarut

Aalajangiiffigisassaq

J nr: 66.15-A00-44-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

## Suliassamik eqikkaaneq

Borgsterip tungaaniit Nunarsuarmi anguniarneqartut kommunip sulineranut ilanngunneqassasut kissaatigineqarpoq. Tamannalu pivoq ingerlatsiviit tamarmik Nunarsuarmi anguniarneqartut pillugit kommunip periusissionissaanut ilanngutsinnerisigut. Suliarineqarnerani ingerlatsiviit tamarmik ilaatinneqarput isumassarsianillu iluatinnartunik tunniussaqaarput. Nunarsuarmi anguniarneqartut ima aaqqissuussaapput imminnut tapitariinnermikkut nukittorsaqaatigiittussanngorlugit, taamaattumik anguniarneqartunit anguniakkat 8-t pingaarnertit tunngavigineqarput.

Anguniagaq 3: Peqqissuseq inuunerissuunerlu

Anguniagaq 4: Pitsaassusilimmik ilinniagaqarneq

Anguniagaq 8: Suliffissat pitsaasut aningaasaqarnerlu inerikkiartortoq

Anguniagaq 9: Suliffissuaqarneq, nutaaliorneq aamma attaveqaatit

Anguniagaq 11: Illoqarfiit najukkamilu inuiaqatigiit piujuartitsisut

Anguniagaq 12 – Akisussaassulimmik atuineq nioqqutissiornerlu

Anguniagaq 13 – Sila pillugu suliniuteqarneq

Anguniagaq 17 – Iliuuseqarnermi peqateqarneq

Anguniakkat taakkua tunngavigalugit, kommunip pingaarnertut suliassaani, periusissiaaereersuni kiisalu politikkikkut suleqatigiinnissamik isumaqatigiisummi, qulequttat tallimat uku suliarineqarput:

- Meeqqat inuusuttullu siunissaraavut
- Namminersorluni inuussutissarsiuuteqarnerup siuarsarnissaanut qitiusoq
- Inuttut ineriartornissamut tunngavissaq
- Kommune imminut napatissinnaasoq
- Kommune suliffissalik, nutaaliortoq uummaarissorlu

Qulequttat ataasiakkaat ataanni kommunip massakut suliarisai suliniutaalu allatorneqarput aamma anguniakkat ingerlatsivinnilu pineqartuni siunissami suliniutissat ilanngunneqarlutik.

## Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Tunaartaqarluni iliussissamik pilersaarut akuersissutigineqassasoq
- Tunaartaqarluni iliussissamik pilersaarut Kommunalborgstyrelsimut akuersissanngorlugu ingerlateqqinneqassasoq.

## Suliassamik saqqummiussineq.

FNip Nunarsuarmi Imminut nappanneqarsinnaasumik ineriartortitsinissamik anguniagai 17-iupput, 2030-p tungaanut imminut nappanneqarsinnaasumik nunarsuarmi qanoq ineriartortitsisoqarnissaa pillugu.. Periutsit Imminut nappanneqarsinnaasunut tunngasut sisamat suliarineqarput: Inuuniarnikkut, aningaasaqarnikkut, politikkikkut kiisalu avatangiisimut piujuartitsisut. Anguniakkat siamasissuupput imminullu tapertariaartuupput, taamaalilluni anguniakkamik suliaqarneq anguniakkanut allanut aamma tuniluussinnaaniassamat. Assersuutigalugu ilinniartitaanermut tunngasumik nukittorsaagaanni, taava aamma imminut nappassinnaasumik

ineriartortitsisoqassaaq suliffissaqartitsisoqarlunilu, taamaalillunilu ilaqutariinni isertitat amerlinerisigut aamma nerisassaqarlualersoqarlunilu peqqinnerulertoqassaaq.

Borgsterip tungaaniit Nunarsuarmi anguniarneqartut kommunip sulineranut ilanngunneqassasut kissaatigineqarpoq. Piffissaq sivilisjuartup ingerlanerani nunanit tamalaanit nappanneqarsinnaasumik ineriartortitsineq aamma FN-ip Nunarsuarmut anguniagai qitiutillugit eqqartorneqartarput. Taamatut ineriartortoqarnera aamma Kalaallit Nunaannut attuumassuteqarpoq, taamaattumillu piffissanngorpoq Kommuneqarfik Sermersooq sulinermit tassani ilaalernissaa.

Taamaattumik una tunaartaqarluni iliuusissamik pilersaarut suliarineqarpoq. Anguniarneqarpoq tunaartaqarluni iliuusissamik pilersaarutit annertuumik anguniagaqartuunissaa, kommunimi suliaassanut pingaarnertut tunngatillugu attanneqarsinnaasumik ineriartortitsinissamut tunngavissaliisussaaq. Kommunimi pingaarutilinnut tunngasut assigiinngitsut tamarmik tunaartaqarluni iliuusissamik pilersaarummut ilanngunneqarput ingerlatsiviillu tamarmik ilaatinneqarlutik. Taamaalilluta kommunimi tamarmi ataatsimoorluta kivitseqatigiisaaq, 2030 nallertinnagu, ataatsimut anguniakkanik angusaqarnissamut killissaliusaaq, anguniakkanik periusissiakkuq nunarsuarmi ataatsimut anguniakkat angusaqarnissamut. Anguniakkanik angusaqarnissamut matumani pingaaruteqarpoq tunaartaqarluni iliuusissamik pilersaarusaareersunut ilaaginnartussatut aammalu tapertaasussatut isiginissaa – aamma una iliuusissaaq taamaalilluni kommunimi suliaassanut ingerlanneqareersunut innersuussutissatut tunngavigineqarsinnaalissammat. Nunarsuarmi anguniarneqartut pillugit tunaartaqarluni iliuusissamik pilersaarusiorneq taamaalilluni imminut attanneqarsinnaasumik ataatsimoortumik isigisumik ineriartortinnissaanut taanna tunngavissatut isigineqassaaq, kommunip tamarmiulluni ataatsimoorussassaa.

Nunarsuarmi anguniakkat ilisimaneqarnissaannik sulineq aallartinneqarpoq, nittarsaassinikkut aammalu kommunalbestyrelse, pisortaqatigiit aammalu aqutsisoqatigiit peqatigalugit. Taamaalillunilu tunaartaqarluni iliuusissamik kommunimi pilersaarusiorneq aallartinneqarpoq, iliuusissatut pilersaarutaareersut suliniutaasullu tunngavigalugit, taamaalillu Nunarsuarmi anguniakkat suliaareersunut ilanngullugit suliarineqarput. Suliami ingerlatsiviit tamarmik akuutinneqarput aamma pisortaqatigiit ataatsimiittarnerini pitsaassutimillu apersuinermit isumassarsianik iluatinnartunik tunniussisoqarpoq. Taakkua isumassarsiat tunaartaqarluni iliuusissatut pilersaarummut ilanngunneqarput taakkulu ataatsimiititamut saqqummiunneqassapput.

Kommunip pingaarnertut suliaassai tunngavigineqarput, tassalu illoqarfiit pingaarnersaannut iliuusissatut pilersaarut aammalu politikikkut suleqatigiinnissamik isumaqatigiisut. Anguniakkat imminnut ikorfartoqatigiimmata, anguniakkat pingaarnertut 8-t toqqarneqarput, taakkulu kommunimut toqqaannartumik aammalu ulluinnarni sulineranut ilanngunneqarput. Anguniakkat sinneri tulluillugit anguniagassaapput, taakkulu kommunip sulinerata ilaanut ilanngunneqarput. Kommunip anguniakkanik pingaarnertut suliaqarnissani qitiutikkumavaa, taamaaliornermigut aamma suliat kingunerisaannik tulluuttutut anguniagassanut suliaq pitsaasumik sunniuteqassammat. Tulluillugu anguniassanik pingaarnertut qitiutitsinissaaq siullermik tassaavoq ajortumik sunniuteqartitsinnginnissaaq.

Kommunip pingaarnertut anguniagassai 8-t tassaapput:

- Anguniagaq 3: Peqqinneq inuunerissuunerlu
- Anguniagaq 4: Pitsaassusilimmik ilinniagaqarneq
- Anguniagaq 8: Suliffissat pitsaasut aningaasaqarnerlu ineriartortitoq
- Anguniagaq 9: Suliffissuaqarneq, nutaaliorneq aamma attaveqaatit
- Anguniagaq 11: Illoqarfiit najukkamilu inuiaqatigiit piujuartitsisut

Anguniagaq 12 – Akisussaassulimmik atuineq nioqqutissiornerlu  
Anguniagaq 13 – Sila pillugu suliniuteqarneq  
Anguniagaq 17 – Iliuuseqarnermi peqateqarneq

Anguniakkat taakkua tunngavigalugit, kommunip pingaarnertut suliassai kiisalu tunaartaqarluni iliuusissamik pilersaarutaareersut, qulequttat 5-t suliareqarput:

- Meeqqat inuusuttullu siunissaraavut
- Namminersorluni inuussutissarsiateqarnerup siuarsarnissaanut qitiusoq
- Inuttut ineriartornissamat tunngavissaq
- Kommune imminut napatissinnaasoq
- Kommune suliffissalik, nutaaliortoq uummaarissorlu

Qulequttat ataasiakkaat ataanni kommunip massakut sularisai suliniutaalu allatorneqarput aamma anguniakkat ingerlatsivinnilu pineqartuni siunissami suliniutissat ilanngunneqarlutik.

#### *Aaqqiissutissat siunnersuut – suliatigut naliliineq*

Ingerlatsiviit tamarmik sulinerlut ilaatinneqarput, taamaalilluni kommunip imminut nappanneqarsinnaasumik assigiinngitsutigut suliniutigisai annertuumik ilaatinneqarput. Tamanna sulianik pisortaqtigiiit CSR-Greenland peqatigalugu nittarsaassinikkut pivoq, aqutsisoqtigiiinnut saqqummiussisoqarlunilu aqutsisoqtigiiit Nunarsuarmi anguniakkat pillugit ulloqartitsisoqarpoq anguniakkat tassani paasiniarneqarlutik. Taamatut pisoqareermat anguniakkat pingaarnertut pisortaqtigiiit ataatsimiinnerinut saqqummiunneqarput ammalu ingerlatsivimmut, taamaaliornikkut qulequttat assigiinngitsut isumassarsiarineqarput, taamaalillunilu kommunip qulequttanik suliaraqnera assigiinngitsutigut takuneqarsinnaanissaa qulakkeerneqassamat.

#### *Aningaasaqarnikkut sulisoqarnikkullu naliliinerit*

Tunaartaqarluni iliuusissamik pilersaarusioreq iliuusissatut pilersaarutaareersunut ilanngunneqarmat tamannalu pissutigalugu tunngavissatut takussutissaavoq, ullumikkut aammalu siunissami kommunip imminut nappanneqarsinnaasunik suliaraqneranut ikiuutaasussa, taannalu tunaartaqarluni iliuusissamik pilersaarusioreq aningaasatigut kinguneqartussaangilaq. Aningaasaanut tunngasut, anguniagassamik assigiinngitsunik siunissami suliniutissatut aallartinneqartussat, suliniutissanut ataasiakkaanut piimaarput.

#### *Inatsisitigut tunngavissaq allakkallu tunngaviusumik uppernarsaatitaliit*

FN-ip Nunarsuarmi Attanneqarsinnaasumik Ineriartortitsinissaq pillugu anguniagai 17-it

#### *Ingerlariaqqinnissaq*

Tunaartaqarluni iliuusissamik pilersaarut akuerineqassappat, taanna kommunalbestyrelsip inaarutaasumik akuersissuteqarnissaanut ingerlateqqinneqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqartinniarneqanngilaq.

#### **Innuttaasunik peqataatitsineq/attaveqatigiinneq**

Illup iluani iliuusissatut pilersaarut matumani pineqarmat, piffissami matumani innuttaasunik akuutitsinermik suliniuteqartoqanngilaq. Tunaartaqarluni iliuusissamik pilersaarut inaarutaasumik akuersissutigineqareerpat tamanut saqqummiunneqarumaarpoq.

#### **Ingerlatsivinnit allanit oqaaseqaatit**

Ingerlatsiviit tamarmik iliuusissatut pilersaarut oqaaseqarfigeqqullugu pissarsiarivaat ilusilersorneqarneranullu peqataatinneqarput.

## **Ilanngussat**

1. Kommuneqarfik Sermersuup attanneqarsinnaasumik ineriartortitsinissaq pillugu nunarsuarmi anguniakkanik tunaartaqarluni iliuusissatut pilersaarutaa

## **Punkt 6: Taasariaqartut allat**

### **Beslutning**

Peter Davidsen:

Imminut toquttarneq pillugu ajutoornerup pakkersimaarnissaanut pilersaarutip atuarfimmi atugassap suliarineqarnissaa innersuussutigivaa.

Aalisarneq pillugu suleqatigiissitap ataatsimiigiaqquneqarnissaa kissaatigivaa.

## **Punkt 7: Suliat matoqqasut**

## **Punkt 07A: Lukket**

## **Punkt 07B: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 16:45